

PETHRI...

...tunni ciatti... sempri ddhuocu
sthraviati a-ll'acqua ô vientu
e nnudhu veni
nudhu viri i vavaluci
â-ggniddhuzzi ciunchi ca ciàmunu i so mathri
spièrsi a-mmienzu ê spini ciusi ciusi

piatùsi!...siti... scagghi ri ddhi stidhi
cirnuti r'Immenzu
làcrimi...ri l'âuti Cela...supr'â ciana
...o i testi i manu i pieri rê viddhani
cristi ccô tascu – cunnannati – comu tinti scialarati
rattannu sta terra ciamata vita!
...o l'arma u cori rê surdhati
a la gguerra contr'ê frati
e ffumu e bbummi e mmorti
cu addhuma ntorci ssicuta bbanneri
tòrnunu arò...vistuti ri lignu
â pena ô ciantu
a la terra a la piatà-ti ciamata mathri!

Pethri... cruci...ciova
i ma pinzèra ca mi scàppunu ri sira
circannu
jòla rràrichi rasciura r'erba virdhi
siminata - mai cugghiuta - libbirtà-ti - ciamata paci!

lu - ccamora - ri passagghiu
ssicutu u ma ristinu
menthri rura sta stasciuni
nti na manu u cielu
nta ll'âthra u cori - pillirinu - sthrati sthrati.

Ma cci tuornu - ddhuocu – quann'è ll'ùra
bbarbàniu anzièmi ê vavaluci
spièrsu a-mmienzu ê spini
e ri ss'èrba pàsciri
cchê 'ggniddhuzzi - ciamannu mathri
menthri a sira cala
e cciovi – làcrimi ri nùvuli – ciusi ciusi.